

O Hānau Ka Mauna A Wākea

(*Ke Au Hou*, 31 Ianuari 1912)

na John Wise

O hānau ka Mauna a Wākea
O pu‘u a‘e ka Mauna a Wākea
‘O Wākea ke kāne, ‘o Walinu‘u ka wahine
Hānau Ho‘ohoku, he wahine
Hānau Hāloa, he ali‘i
Hānau ka Mauna, he keiki mauna na Wākea
‘O ka lili o Wākea, o ha‘i i ka hala
‘O ke kūkū a ka manene
I ho‘ouka ai i loko o Kahikikū
He‘e Wākea, kālewa kona ‘ōhua
Kuamū ‘ia e Kāne, kuawā ‘ia e Kāne
Ho‘i mai ‘o Kāne a loko o Lanimoemoe
Moe Wākea moe iā Papa
Hānau ka lā na Wākea
He keiki kapu na Wākea
‘O ka uluna o Wākea, na Wākea nō
Hānau ka Mauna
He makahiapo kapu na Wākea
‘O ia ho‘i
‘O ka Mauna, hānau ka Mauna
‘O ka Mauna lā ho‘i auane‘i ko lalo nei
‘O wai lā ho‘i auane‘i ko luna lā
‘O wai lā
‘O ka lā
Aia, aia ho‘i hā ē